

近代中國史料叢刊續編第四十輯

沈雲龍主編

三水梁燕孫（土詒）先生哀輓錄 佚名編

文海出版社有限公司 印行


三水梁燕孫先生哀輓錄

三水梁燕孫先生遺像




葉恭綽敬題

www.docriver.com 定制及广告服务 小飞鱼
更多广告合作及防失联联系方式在电脑端打开链接
<http://www.docriver.com/shop.php?id=3665>



www.docriver.com 商家 本本书店
内容不排斥 转载、转发、转卖 行为
但请勿去除文件宣传广告页面
若发现去宣传页面转卖行为，后续广告将以上浮于页面形式添加

www.docriver.com 定制及广告服务 小飞鱼
更多广告合作及防失联联系方式在电脑端打开链接
<http://www.docriver.com/shop.php?id=3665>



關雅果子先民是程徑國
之夷師世之英凡辱負重
以俟以評載瞻遺象光
淚先零

蓋孫仁弟象贊

如先唐儀題

梁燕孫先生詩遺

雪鬢賓塵安午夢殘山梅柳一般看

五千里外雙孫姪四十年來舊史官

不炫文章鶯海內被名顛血濛江干

誰呼群季磨長劍收注新亭歎搖鞍

書示六女兒識生並荔



此係先父北上時詠懷之作遂成絕筆是宜刻謹志

哀

啟

哀 啟

哀啓者一先嚴衆賦素強性情毅栗少承祖考保三公庭訓爲經世之學以縣學生中式清光緒己丑科鄉試舉人旋于甲午科成進士時值與日本開戰先嚴上書言事痛陳利害卽爲時人注目乙未年留館授職翰林院編修以時會難危益講求實學篝燈發誥恒通夕不寐戊戌庚子兩度避地備經盤錯因而幹局益臻闊遠聲譽翕然癸卯年清廷開經濟特科廷臣交章論薦及試獲膺首選會西太后誤以先嚴爲梁啓超昆弟忌焉遂不再試出居北洋幕府于新政多所贊益小站新軍編制及操典多出手編既唐公少川使印度議約邀爲參贊與張文懇伯何文蔚高彈心佐理所建議多爲清廷所格遂隨唐公歸唐公督辦各鐵路繼長郵傳皆倚先嚴如左右手光緒三十三年先後爲岑雲階陳雨蒼兩公推重任郵部丞參專主鐵路事復以其時外交棘手先嚴並參外部機要蓋袁項城以先嚴辦日俄戰時中立要務饒有機智故傾心倚任之也其成績之聳聳大者如收贖京漢鐵路（今稱平漢）完成美退庚子賠款皆彰彰在人耳目獨撤退北京使館界各國駐兵

一事以政局變遷致成泡影知者惜焉始各國根據辛丑和約駐兵北平使館界爲國之大辱。先嚴承當道旨積極準備磋商經年各國咸允願撤兵由我國派警接管已定期矣以樞部易人遂中止歷至今世遂罕知此事之經過者。先嚴亦從不以語人僅葉文玉甫知其梗概而已。先嚴之深沈負重多此類也。宣統卽位朝政日非某當局迎合朝旨所以齣處之者甚至。先嚴一不與較查辦者習於浮說以爲經手財政累千百萬不能無絲毫出入乃窮日夜鉤冊籍凡三閱月無所獲事卒得白辛亥革命。先嚴知清室之不可爲密佐唐公少川並聯合段公芝泉張公金坡運籌南北遂成共和之局當是時文電盈尺皆先嚴手草曾半月不一眠屢入對清隆裕皇太后力陳歸政國民之要先後凡十餘小時其所語爲何。先嚴亦從不一述及也及政府北移以先嚴長總統府秘書其時當局銳意圖治而以先嚴綰其樞凡外交財政交通諸大政一取辦于先嚴。先嚴亦忘身挺任雖叢務精悉不顧也。民元二三年我國內政之差強人意論者咸謂賴先嚴之規畫主

持者爲多顧 先嚴默察國情諒知持盈保泰之非易復以用人時分畛域行政未上軌道苦口危言至百十次而終不見用遂懷退志逮籌安議起而先嚴遂出公府矣猶憶方事之殷 先嚴曾召季典家叔北上密商脫險之計語家叔云籌安事余面諫至十四次禍必及以貨遷密布家叔亦計無所出泣訣南歸臨別先嚴猶切囑家叔告先祖以項城決無稱帝事慮驚老人也既籌安事敗某方以政略故慄惻當局以先嚴負其責先嚴南歸侍養從不一辨蓋亦素性然也既當局審其誣迷欲引參政事先嚴以經濟爲國家命脈願籌畫關稅金融幣制農礦諸端不肯任官自是迴翔平津滬港者數年精力猶極彌滿先是歐戰突起先嚴知大勢所趨主張應助協約國方面期戰後可藉增高國際地位解除國際束縛曾數建大計其今可宣布者卽華工赴法參戰一事而已其時我國尚未對德宣戰先嚴乃偕諸友組公司躬與其事先後赴法工人凡二十五萬人備經疑謗然巴黎和會我國所取得權利卒根於此此外與各國密議事甚多惜不盡施行又實行參戰

時先嚴已謝政否則巴黎和約我國所收之效當不止此也民國十年因事北遊時值奉直間暗潮甚烈先嚴欲出任調解遂為當局強之組閣先嚴苦心支柱戰禍卒未能免且以身為之的遠先嚴下野未幾而賄選遂成其所關固亦匪細矣先嚴既思深慮遠又聲譽遠播海外頗思與世界朝野名流交換意見以定吾國將來應取方針因于民十一民十三漫遊歐美日本所至無不倒屣歡迎以國賓禮待如英之魯意佐治麥端奴美之柯立芝法之班樂衛日之松方山縣大隈頭山犬養原敬床次等皆傾襟披豁彼此知無不言於吾國前途關係甚鉅曾擬筆之于書未暇也先嚴既日以民生為念知歐戰後世界經濟狀況當大變化我國當此非尋常辦法所能應付遂益研究改進我國經濟狀況之策世人每稱道以往建設成績如創立交通金城各銀行創辦各種公債規定幣制等等先嚴恆一笑置之謂此何足道今後當益務其大者遠者然歷次政府所定幣制及公債條例暨關稅會議大綱皆不越先嚴所擬範圍其所創各銀行及銀行公會迄今猶為金融界

之重鎮與鈐轄事實所在不得而沒也。又先嚴任事時所設施如完成京張鐵路收管商辦電報改訂滬寧管理權限減免機製土貨稅則園茶出洋稅則及整理廣東紙幣發行救濟絲業借款等皆于國權民生關係甚鉅論者至今稱之。先嚴既飽經憂患遂不復言仕進惟日以討論經濟前途爲事多與專門學者及經驗家攻究各種問題每發一言宿學歎爲不及曾云民元與孫總理傾談國事凡十三次每次至三四小時其後總理所著各計畫中多采用。先嚴主張惜總理已逝無從再爲商榷也。時先祖年高先嚴日以奉侍爲樂又夙與季典家叔友于最篤不孝等復多已婚嫁家庭團聚顧而樂之十八年先祖捐館先嚴哀毀殊常臥病數旬精力頓減復時患風濕等疾足部運轉不靈延醫診治亦卽旋愈不孝等以先嚴體素強健遂未十分注意而不知先嚴積年肩任勞怨鬱積莞結心臟久已受傷徒以自恃堅牢又素不信醫藥遂致病益深痼不孝等侍奉無狀不能先意承志密爲調護致有四月九日之變哀哉先是前歲九一八事起先嚴居港卽憂

灼萬分謂患方未已時時繞室傍皇不復能健
先嚴與會先嚴欣然就道冀與黨國先進及
一二八變生先嚴憂甚身體卽感不適猶日
鄧瑞人諸君至旅邸授以機宜及睹事無可爲
會不復如前遇事時作悲觀恆語不孝等云趁
觀望成敗而又急功近利忍大患尚不止于亡
國舊說祿足代耕其義甚精又云人爲毀譽得
譽聽之他人是非決之一已譬如人言余擁資
自立而已又年來稍暇頗擬輯綴平生事跡童
先嚴窮思累日乃投袂而起欲躬赴戰地相
抵上海知熱事已不可爲又翌日而承德失滙
北上之議而病發矣病之始也覺胸腹不舒熱

西醫者診治經一來復熱終不減且虛汗淋漓呃逆時作精神萎弱又暴下血及凝結流質甚多不得已延陸仲安醫生診治一診卽斷爲危險重用鼈甲龜板金釵石斛諸品而汗終不止時季典家叔及不孝定蜀已自港至因于四月一日改入寶隆醫院由德醫柏樂第尼士主治用X光察驗始知心臟之大動脈腫脹爲極險症且肝胃均有重病須先固心臟再及其他三夕咯血二口以體弱不能再用X光察驗遂仍陸續施用強心之劑不料至四月五日晨九時忽然昏厥旋卽咯血約二大碗經醫注射葡萄糖精及強心劑每一小時一次咯血及汗呃均止且自云胸次頗舒不孝等均竊喜以爲可有轉機同時分電不孝定蜀及諸妹自平津港來滬冀博先嚴歡心自是而後脈象逐日稍佳醫斷爲血由胃上部出非大動脈破裂險境已過將從事心部治療惟血壓日低肌肉銷萎不孝等心竊憂之七夕睡不安八晨脈象見數下午病象稍轉醫言殊有希望不料夜一時忽又昏厥如五日急促醫至注射如前第一針猶覺痛第二針已失知覺呼吸驟停延至一時三十分遂棄不

孝等而長逝不幸定閱九日下午由粵趕至已不及見矣嗚呼痛哉以先嚴體質之強親友咸謂必登上壽卽先嚴亦時謂當爲國家社會服務至八喪方休孰料臥病兩旬遂離塵世平生懷抱未展百一此不孝等所椎心泣血百身難贖者也先嚴平生慕李文饒張太岳之爲人故處事剛果而綜理絲密當其一往絕不以榮辱禍福介懷故名滿天下而謗亦隨之性坦易不立城府爲人謀款洽周至其方之欺受而不悔雖出身翰苑湛深文學而不喜著述晚年乃偶爲小詩此次將北行曾詠一律乃絕筆也不孝等秉質鴻庸又遊學任職不恆侍膝下故先嚴言行多闇見聞苦由昏迷粗述梗概語無倫次伏乞

矜鑒

附錄 先嚴最近遺作

將北行感詠

棘人梁定莉泣述

定蜀

雪鬢摩挲半夢殘山梅岸柳一般看五千里外雙孫姪四十年前舊史官
不炫文章驚海內祇餘顛血灑江干誰呼羣季磨長劍遠眺新亭欲據鞍

三水梁燕孫先生哀輓錄

一 祭文

二 詩詞

三 輓聯

祭文詩詞輟聯均以收到先後爲次序



祭文

祭文

前國務院同人祭文（集文選句）

維中華民國二十二年四月二十四日前國務院同人黃炎培葉恭綽鄭洪年錢永銘盧學溥張名振劉展超蘇應鉉梁汝成岑學呂孫鍾英何伯述梁思補樊守

執張世經李徵等謹致祭於

前國務總理三水梁公之靈曰嗚呼降神惟徽妙簡邦良設官建輔相爾南陽式贊權衡國之憲章秉機省闇思摹彌長欽若元輔用行舍藏登嶽均厚觀海齊量勞謙靡已致命知方神謀不忒勳則以彰克寧禍亂負雪懷霜弼諧允正遺烈鏘洋摹戎洪緒電發雲翔具瞻之範台衡之望太上立德其次立功周賴尚父作弼參戎殷憑太阿履道是鍾威熙庶績爰建時雍喆人是恃萬里折衝振冠南嶽表裏融通資度廣大器量深弘教敦不肅德務中庸熙隆奕葉載揚休風選賢與能匪惠維恭大猷允迪俊乂寬冲梟鸞不接薰蕕不同嗚呼五曜入房三仁去國有除有布載鼎載革

景燭雪火風馳羽檄積險重山流迅川阨鐵羽高雲摧翮風穴清漳北指燒武西接空桑弘川歷陽魚鼈虎嘯風馳星流電激離此阻艱算無遺策沙場一候炎區九譯智効惟穆盡規戮力丐其餘論攀其鱗翼入侍帷幄跨騰風雲子囊佐楚策名委身史魚諫衛清風載興荆寶挺璞春蘭擢莖冠冕當世端流衡平不雕其朴嘉茲寵榮司文天閭光國垂勳允屬時望政以禮成制勝既遠樹之風聲春風等潤秋月齊明珪璋挺曜和順內凝功成弗有淵哉若人海岱茫茫江漢滔滔山隈次夕洛川濟朝西眺城邑東望平皋洪鐘虛受就遠因高幽谷無私靡幽不喬政非一軌景雲登超俗尚五方區宇亮家來無不應禮樂翔翬有響斯至明達傑操舉不失德賞不失勞鈎深探頤雋聲清劭功讓其力貞蔑蘭椒海煮爲鹽山採鑄錢再熟之稻八蠶之絲丹桂灌叢洪桃屈盤珊瑚幽茂盈刷漪濶珍怪麗奇雷抃重淵拓土畫疆卓犖并兼納漢吞江胡可勝原臯澤布護山嶽夤緣插堤鱗接輪囷蚌蟠鱗甲之集開瀆涌川瓊異所叢迢遞曠曠華繁玉振材技廣宣崇基巖巖長濶濶九峻嶽隣瀟瀟終始

跨躡捷牂枕輶交趾玩則論舞奮則寶旅邛竹夏邑區外結志蒟醬番禺作程爲士
魚須之旃駒駿之駟賈貿墟的樂江靡蛤蚌珠胎異物奇詭賄貨山積興山寶止
文陞升降魏闕遙迤鳴晉之游中必決眦辰象秀德河嶽上靈屈已弘化風動神行
國悲罕逝貢喜王登好賢鄭莊愛客田文軒冕相襲衣裳合雲堂若闕里版登龍門
英俊奇響青紫明經孚以誠德和順內凝任重推轂冬日之溫海內髦俊登朝濯纓
雲霞沃盪巖谷共清晨烟幕藹春煦秋陰會遭陽九天下鼎沸翦滅鯨鯢晏清軌躅
民患干戈鳥虞晨服澆薄之倫馳騖之俗僨謀東窺駝馬南牧杖策燕趙千金比屋
席卷秦代萬家雲物南荆跋扈東陵巨猾迅若波瀾不追驥驥扼腕盱衡蹈其閭闈
烽鼓相望伺我邊隙剪拂長鳴龍興雲屬嗚呼芳流歇絕梁木實摧如何斯人與世
長乖霆駭風徂涕泣如頽倒懸之急累卵之危天不憇遺哭巷號街東粵暝目洛浦
歸骸同塵往世行雲徘徊晏平行哭昌國涕揮鳴悲白驥靈輜軌迴洪涯遐迹幽關
洞開旦暮千載映世清暉敬羞野奠遐邇同哀嗚呼

尚饗

開稅會議
稅務處同人公祭文

維中華民國二十有二年四月丁酉朔越二十有五日

開稅會議
稅務處 同人王正廷李思浩

章士釗葉恭綽楊永泰黃郛張恩鏗張名振梁汝成曾鎔浦楊其觀劉展超等
謹以庶羞清酌致祭於

前國務總理梁公之靈曰嗚呼夫變有曠百世而未有者蓋莫烈於今日人有千載
而獨出者柰何賣志而忽焉以沒惟 公明達之姿強毅之質爲詞林之冠冕具經
國之宏識值甲午之寇氛初上書以自試迄戊庚之變故經盤錯而益肆舉特科而
不赴居北洋之幕府既規模之手創復督襄於專俎逮郵傳之設部執軌轍爲樞紐
叢詬諺以鈎稽乃事明而疑剖惟共和之首創佐唐公以定計長內史於白宮實總
攬夫大計迄籌安之議起嘗格諫以審度既事敗而謗集乃持立而不顧惟
先生之絕識以經濟爲國脈倡關稅之自主與幣制之改革偉畫紛其萬端實高瞻

而遠賜溥利澤於元元期以解斯世之桎梏忽島夷之寇邊國土慨其日蹙赴國難而北來傷刲灰之飛落望新亭而據鞍餘老懷之悲咤乘駟虬以上征知隱憂之猶大概哲人之云徂夫誰濟世頽隕謹陳詞以告衷咸涕下而如瀋 尚饗

前交通部同人公祭文

維中華民國二十二年四月廿九日前交通部同人葉恭綽鄭洪年黃贊熙任傳榜
楊其觀陳天驥劉展超陳福頤關漢光孫熙文劉康成胡初泰沈亮俞裁嚴善
坊李承翼張恩鰐莊智煥何志航薩福祿朱庭祺區宗洛胡鴻猷鍾鍔樊守執
鍾偉成馮執中鍾文耀何伯述等謹具清酌庶羞之儀致祭於

前國務總理三水梁公之靈曰維星降精維嶽效靈卓哉 梁公命世之英早登甲第晚佐阿衡文章經濟物望同傾共和翊贊爲國干城維新景命世莫與京湖 公篤生東闕人傑幼挺瑰奇矢身稷契召試特科巍然首列壯遊歐美慷慨擊楫抵掌

登壇投袂應節開闢交通主張貫澈國家命脈財政爲先金融外溢其流涓涓稅操
客卿喪失主權公起抗議全力斡旋公理戰勝從事獨賢利國福民厥功偉焉稅
務初興楚材晉用建議設學儲材首重道在養成取足供權自我操遏其轍縱強
鄰帖耳聲色不動外庫常充大邦是控公持大計建國之初遺難投大前席陳謀
通郵築路脈絡灌輸整理財政國用以舒功成身退歸臥故廬救國愛民夙秉至性
外難未紓殷憂成病天不憲遺考終正命高明有融毀譽不競國有元良蓋棺論定
天道難知千秋一嘆嗚呼尚饗

前財政部同人公祭文

維民國二十有二年四月丁酉朔越十有九日前財政部屬官李思浩張壽鏞姚煜
秦心鏞嚴璣盧學溥金兆蕃鄭壯陳家棟衛渤金煥章廖廉能朱祖鍊章保世
金問源谷益鑑王鏞侯范紹濂陳之碩龐澤恩盛俊梁耀宗朱辛彝楊其觀等

謹以清酌庶羞致祭於

前國務總理三水梁公之靈曰嗚呼我

公鍾靈粵嶠崧嶽降神昂精炳曜鳳采九苞蛇珠四照學有本原治崇體要斐英綺歲平步玉堂識時俊彥責負興亡共和締造佐績匡勦憂深恤緯國固苞桑維新之始掌領度支經營八表剖析羣疑六轡在御百僚是師經邦定計燭照如蓍公債發行惟公創議採自歐邦實爲良制酌劑盈虛昭示信義國本以寧民生攸利改良幣制碩畫精詳三品作貢九府所藏洪鑪躍冶朱提耀光流行陬澨便利市場折衝邦交端資毅力富公遠謀外彝動色四政交通風同道一經緯萬端夷險一節枚卜金甌總持百揆斡旋乾坤懋熙庶績考察金融遠渡歐美捨短挈長前車是軌橫流方急砥柱不移滄江歸隱韜晦待時新亭雪涕舉目生悲老成憂國鬢髮如絲東邦挑釁國難正殷祖生聲楫誓掃胡氛投幘奮起中心如焚綱繆鴟室寢饋難寧甫蒞滄江憂憤成疾失土頻聞肝腸寸裂滿腹經綸一腔熱血費志長終台星遽滅哲人

祭

文

其萎天不憇遺人亡邦瘁萬姓涕湊矧在舊屬瞻戀無期靈旗陟降髮翼來茲嗚呼

哀哉 尚饗

文道部 同人公祭文

維中華民國二十二年四月二十三日文道部同人韋以黻汪志貌陳文中丁淇俞

文道部

同人

韋以黻

汪志貌

陳文中

丁淇俞

拔夏光字譚耀宗林實鍾鍔黃閔道譚耀茲黃乃樞陳作余垿黃振聲徐炳祥

趙啓華張心激華蔭徽張競立吳孟節關均笙朱兆奎盧樹森冒景璋徐承然

俞梧生冒景瑄陳福成張鵬翔汪文璣歐陽悅錢宗淵顏德慶張祖訓李法端

劉景山沈士淳薩福均孫百英陳延炯詹文忠顧宗林孫謀陸紹鄂楊光芬趙

尊嶽楊志章康誥廖廉能周亮才周繼堯唐官贊關賡麟等謹以清酌庶羞敬

祭於三水

梁總理燕孫先生之靈白於錄我公國家攸毗國推貞幹家賴羽儀學富多文絲細

盈軸計偕春明麟鳳爭覩荀管選言賈董射策藝苑蜚聲寸穎露茁公衍其緒再冠偶曹銀河濯錦瑤臺鳴簫任隆策名榮高秘史佩以韋絃雍容貂珥綱維利弊昭鑒靡餘九州爲廣益地開圖南北閭閻山河軌躅晨聽鷄鳴塵靄駿足時丁不偶躬厄陽九國綱絕維朝樞解紐公獨慨然翊光大業默運潛移偉績斯烈人心歸漢華夏克明惟公建議實啓先聲綜合生平官書具載何懿不讙何菁不采邃研計范億軒罔逾坐言起行疇弗仰諸文章海內頗血江干何期詩識遽馭青鸞果證丹丘神遊度索大鳥朝揚崇碑鐫郭同人絮酒爰擣蕪辭湛醡申椒靈其鑒之於戲尚饗

鐵道部次長兼瀋海北甯鐵路局長錢宗澤等公祭文

維中華民國二十二年四月二十三日鐵道部次長兼瀋海北甯鐵路管理局局長錢宗澤津浦鐵路管理委員會委員長邱煒平漢鐵路管理委員會委員長

何競武平綏鐵路管理局局長湯國楨正太鐵路管理局局長王懋功率北甯
平漢津浦平綏隴海正太各鐵路職員謹以香楮酒醴庶饌之儀致祭於

梁燕孫先生之靈曰 繫維先生南粵之英幼通上第珥筆西清文書詔議應命立
成進綜郵傳四政始萌勤宣五路建設諱經扶輪納軌莫不中程流通財貨金融是
寧便民裕國利用厚生贊又密勿爲國之楨春風煦嫗品物咸亨迨長參院論議是
宏金聲玉振四座盡傾名高中外跡遍寰瀛日月所照載頌賢明晚退林野世情莫
擾文傳喜雨詩詠悅晴義分雙園明察兩異先生之德以和以平先生之道惟一惟
精天胡不憇迺殞大星老成凋謝尚遺典型嘉謀碩畫示我鈞衡願追高躅以踵明
誠式瞻遺像以薦芳馨魂歸來兮有肸響聲嗚呼哀哉 尚饗

鐵道部膠濟鐵路委員會公祭文

惟中華民國二十二年夏四月膠濟鐵路管理委員會委員長葛光庭委員陸夢熊

崔士傑彭東原陳延炯謹以香花清酌之儀致祭於

蒸孫先生之靈曰嗚呼我

公降嶽生崧數歷中外震燭事功精研計學調劑金融總攬大計四海從風翊贊共
和惄心內訌時見時隱清明在躬國難日亟憂憤填胸臨病咯血費志以終哲
人其萎嗚呼我

公故綴祭詞聊抒哀哀 尚饗

鐵路協會公祭文

維中華民國廿貳年四月三十日鐵路協會葉恭綽梁萼聯孫科莫衡任傳榜游麟
章許傳音黎均童閏鄭寶照吳紹曾汪志銳張恩鍾袁紹昌鍾鍔何維敬余垿
張祖訓梁仲廣張德麟樊守執關慶麟何志航邱煒錢宗淵薩福均楊志章鍾
玉源梁寒操鍾文耀陳延炯方仁元許世英薩福懋陳振陳福頤劉士剛胡奐

蕭國英胡憲徵梁玉衡夏壽等謹以庶羞清酌致祭於

梁公燕孫之靈曰江山破碎天地陰霾大星沈曜長城竟摧知己陨涕舉國銜哀猿崩棟折喪此良材維

公早掇巍科夙承家學流涕上書數時先覺范滂登車朱雲折角鵠翼扶搖蛾眉謫諉不求聞達竟出都門將軍揖客府主紓尊嘉賓入幕長統昌言改絃易轍殫本窮源縱覽九州采風四裔馳道溝通神京拱衛統一車書研窮會計政必求新事乃克濟王綱失墜國運迷遠名簽謝表日隕虞淵策工籌筆道貴從權不撓羣議力任仔肩妖讖當塗羣倫勸進帝制自娛謹言不信禍燭幾先咎辭晦客魚躍重溟鳳翔千仞財源擘畫海嶠游翹欲尊國體宜定戎韜爲身叢怨爲國宣勞東山再起望重勛高辭組朝堂遠航瀛海國政勤求邦人禮待接其言論瞻其丰采鏡仰万流盱衡千載栽培後進孝友家庭澤敷霖雨光燦德星等身著作未竟殺青一生言行尚有典型國幣空虛百紛待理民業凋殘漏卮宜弭計重交通心勞涂軌國難方殷壯心未